

	Medicinski fakultet Univerziteta u Sarajevu	MF-PR- A 02		
Opća procedura anketiranja sudionika u obrazovnom procesu i naučno-istraživačkoj djelatnosti				
Stranica 1 od 2	Izdavanje	Datum	Odobrio	Kopija broj
	1	2012 – 02 – 21	Dekan Prof dr Bakir Mehić	

Veza sa drugim dokumentima:

- Okvirni Zakon o visokom obrazovanju BiH (Službeni Glasnik BiH, broj 59/07)
- Zakon o visokom obrazovanju Kantona Sarajevo–prečišćen tekst (Službene novine KS, broj 22/10)
- Pravila Medicinskog fakulteta Univerziteta u Sarajevu iz 2008. godine
- Standardi i smjernice za osiguranje kvaliteta u visokom obrazovanju U BiH (Službeni glasnik BiH, broj 13/08)
- Kriteriji za akreditaciju VŠU u BiH (Službeni glasnik BiH, broj 75/10)

Cilj: Anketiranje se provodi radi sticanja uvida u stanje kvaliteta obrazovnog procesa i naučnoistraživačkog rada na Medicinskom fakultetu Univerziteta u Sarajevu (u daljem tekstu Fakultet). Rezultati anketiranja se koriste za unaprjeđenje kvaliteta u odgovarajućim područjima rada Fakulteta.

Provođenjem ankete rukovodi Odbor za osiguranje kvaliteta Fakulteta (u daljem tekstu Odbor), koji koordinira aktivnosti svih sudionika uključenih u provođenje ankete i odgovoran je za njeno provođenje.

Anketirani mogu biti: sudionici obrazovnog procesa i naučnoistraživačkog rada na Fakultetu. Pod sudionicima se podrazumijevaju unutarnji i vanjski sudionici:

- Unutarnji sudionici su studenti, nastavnici i saradnici, te administrativno, tehničko i pomoćno osoblje u radnom odnosu na Fakultetu.
- Vanjski sudionici su diplomirani doktori medicine, roditelji ili staratelji studenata, poslodavci, kantonalna, federalna i državna uprava te drugi vanjski korisnici.

Vrste anketa:

Ankete se mogu odnositi na pojedine aspekte rada Fakulteta ili na pojedinačne kategorije sudionika. Ankete za evaluaciju kvaliteta obrazovnog procesa mogu procjenjivati:

- angažman nastavnika i saradnika u nastavi
- izvođenje nastave na pojedinim predmetima u cjelini
- organizacija studija u cjelini
- studijski program (zastupljenost i relevantnost sadržaja, izbor sadržaja u odnosu na ciljana znanja, vještine i stavove itd.)

- ishodi obrazovnog procesa (znanja i kompetencije diplomiranih doktora medicine).
- percepciju korupcije na Fakultetu.

Provođenje anketa: Pravila i uslovi provođenja pojedine ankete, za svaki oblik anketiranja, određuju se zasebnom procedurom.

Ako nije drugačije određeno posebnom odlukom, anketa je anonimna. Kada se anketiranje provodi sa ciljem procjene rada neke osobe, ta osoba ne može prisustvovati anketiranju.

Radi zaštite digniteta osoba i organizacione jedinice Fakulteta koji su bile predmet anketiranja, svi sudionici u provođenju i statističkoj obradi podataka iz ankete obavezuju na čuvanje tajnosti dobivenih ukupnih i pojedinačnih podataka.

Za svaku anketu na nivou Fakulteta odgovarajuće odluke o planu primjene ankete donosi NNV.

Raspolaganje rezultatima ankete:

Rezultati anketa se prvenstveno koriste za planiranje unaprjeđenja kvaliteta rada Fakulteta. Opći statistički rezultati ankete mogu se koristiti i/ili objaviti prema službenoj proceduri Fakulteta.